

Мускоын пумиськон

Кузедбай Гердэз, куке со вал на Кузьма Чайников но ужа на вал Малмыжын, 1918-тй арын нбыль толэзылы – толсурисен оштолэзёзь – ыстйзы Муское курсёсы. Келякузы эшъёсыз сое одно ик Максим Прокопьев доры пыраны косйзы.

Кöня ке нунал ортчыса, Кузьма, букинистъёс дорысь али гинэ басытэм «Калевала» эпосэн книгазэ съöраз кутыса, Прокопьев доры Трубниковской шуон ульчае пуксем бадъым юртэ мынйз. Кык удмурт пиос, ог-огзылы шумпотыса, юн зыгыртйськизы. Кузьмалэн соку ик ушъяськемез потйз: учкы, пе, кыче тунсыко литература кылдытйллям финнъёс, асьмелы но отчыозь вуоно вылэм, мон но гожто удмурт батыръёс сярысь поэма. Прокопьев, куноезлэсь сыче жутскем мылкыдын верамзэ кылзыса, егит эшсэ басылмытйз. «Сыл ай, Кузьма, – вазиськиз со, – нырысь асьмелы Колчакен ожмаськись удмурт батыръёс сярысь гожъяно. Нош та ож быриз ке, асьмеос асьмелы государство кылдытом. Тани мон лэсьтй ни конституция но, карта но, ваньзэ сое йылаз-пумаз вуттоно на».

Прокопьев жöген Колчаклы пумит ожмаськыны кошкиз. Нош Кузьма, тифен висеменыз, Мускоысь инвожое гинэ бертйз но жöген тодйз, Прокопьев Пермь палась Кунгур дорын бырыны шедем шуыса. «Гудыри» газет кызы куатетй гудырикошконэ потэм номераз Кузьмалэсь Прокопьев сярысь «Удмурт батыр» гожтэмзэ печатлаз.

Граждан ож йылпумъяськиз но, удмуртъёслы асьсэлы кун кылдытон ужпум меёак жутскиз. Кузьма, удмуртъёс бабеме медаз кыле вал шуыса, аслыз ачиз кыл сётйз удмуртъёсыз одйг уже, одйг гердэ герзаны но огъя уже кыскыны. Аслаз кылбуръёсыз улэ со Герд нимын гожтйськыны кутскиз. Ыбем куара кадъ вакчи но гудырес кыл борды кузь кыл кулэ шуыса, нимзэ кариз Кузедбай.